

Na osnovu člana 67. stav 3 i člana 68. stav 2. Zakona o organizaciji organa uprave u Federaciji Bosne i Hercegovine („Sl.novine F BiH“, broj 35/05) i člana 7. Uredbe o cijeni mjesečne karte za prijevoz nezaposlenih osoba u javnom gradskom prijevozu na području Kantona Sarajevo („Sl.novine Kantona Sarajevo“, broj:) ministar saobraćaja Kantona Sarajevo donosi:

U P U T S T V O

o načinu provjere statusa nezaposlene osobe prilikom ostvarivanja prava na mjesečnu kartu za prijevoz u javnom gradskom saobraćaju na području Kantona Sarajevo

I

Ovim Uputstvom se propisuje način provjere statusa nezaposlene osobe prilikom ostvarivanja prava na mjesečnu kartu za prijevoz u javnom gradskom saobraćaju na području Kantona Sarajevo.

II

U terminu koji prijevoznik odredi u skladu sa stavom (2) člana 8. Uredbe o cijeni mjesečne karte za prijevoz nezaposlenih osoba u javnom gradskom prijevozu na području Kantona Sarajevo (u daljem tekstu: Uredba), zainteresovana lica pokreću postupak za ostvarivanje prava u skladu sa stavom (1) člana 8. Uredbe.

III

Postupak provjere statusa nezaposlene osobe prilikom ostvarivanja prava na mjesečnu kartu za prijevoz u javnom gradskom saobraćaju na području Kantona Sarajevo sastoji se u sljedećem:

- Prijevoznik do 25-tog dana u mjesecu za koji se izdaju karte za prijevoz nezaposlenih osoba pravi spisak lica koja su ostvarila pravo na mjesečnu kartu za nezaposlene osobe i isti dostavlja JU „Služba za zapošljavanje Kantona Sarajevo“ 25-tog dana u mjesecu odnosno ako je neradni dan prvi slijedeći radni dan.
- spisak podnešenih zahtjeva unosi se u tabele programa Excel sa slijedećim podacima: Ime, Prezime, JMB i adresa stanovanja, i isti se dostavlja u elektronskoj formi na CD-u i e-mail-om.
- Nadležna JU „Služba za zapošljavanje Kantona Sarajevo“ vrši provjeru dostavljanih spiskova i nakon utvrđivanja da li su lica sa spiska evidentirane kao nezaposlene osobe, o istom obavještava prijevoznika koji je dostavio spisak u elektronskoj formi na CD-u i e-mail-om, najkasnije 3 (tri) dana nakon zaprimanja spiska.
- Prijevoznici u skladu sa utvrđenim činjenicama o statusu lica za koja je tražena provjera od strane JU „Služba za zapošljavanje Kantona Sarajevo“ za naredni mjesec izdaju mjesečnu kartu za lica za koja se utvrdi da imaju status nezaposlene osobe, a za lica za koje se utvrdi da nema status nezaposlene osobe gubi pravo na mjesečnu kartu za nezaposlene osobe za period narednih 6 (šest) mjeseci.

IV

Ovo uputstvo stupa na snagu danom stupanja na snagu Uredbe, a primjenjivat će se od 01.11.2015. godine i objaviti na web stranici Ministarstva saobraćaja Kantona Sarajevo.

Broj: 04-02-22068/15
Sarajevo, 04.11.2015. godine



MINISTAR
Dr.sc Mujo Fišo



web: <http://ms.ks.gov.ba>
e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

